

Վայոց ձորի մարզպետը մասնակցել է <Հայաստանն ընդդեմ կոռուպցիայի> ծրագրի շրջանակում կազմակերպված հակակոռուպցիոն միջոցառմանը

05.12.2012

Դեկտեմբերի 5-ին Վայքի տուրիզմի կենտրոնում ՀՀ Վայոց ձորի մարզպետ Էդգար Ղազարյանի ներկայությամբ տեղի ունեցավ <Կոռուպցիոն ռիսկերը, այդ թվում բնապահպանական խնդիրներից բխող, կոռուպցիոն ռիսկերը Վայոց ձորի մարզում և համայնքներում> թեմայով հակակոռուպցիոն միջոցառում: Այն կազմակերպել էին <Հայաստանի երիտասարդ իրավաբանների ասոցիացիա> հասարակական կազմակերպությունը և Վայոց ձորի հակակոռուպցիոն կենտրոնը <Հայաստանն ընդդեմ

կոռուպցիայի> ծրագրի շրջանակում:

Միջոցառմանը մասնակցում էին Վայոց ձորի մարզպետարանի պաշտոնյաներ, համայնքների ղեկավարներ, ՀՀ մարդու իրավունքի պաշտպանի Վայոց ձորի տարածքային գրասենյակի համակարգողը, Եղեգնաձորի բնապահպանական տեղեկատվության հասարակական կենտրոնի ղեկավարը, ՀԿ և ՋԼՄ ներկայացուցիչներ:

Բացման խոսքով հանդես եկավ Վայոց ձորի հակակոռուպցիոն կենտրոնի համակարգող

Էմին Բեգլարյանը:

Ողջույնի խոսքով հանդես եկան <Հայաստանի երիտասարդ իրավաբանների ասոցիացիա> ՀԿ

նախագահ, <Հայաստանն ընդդեմ կոռուպցիայի> ծրագրի ղեկավար Կարեն Ջաղոյանը, ՀՀ Վայոց ձորի մարզպետ Էդգար Ղազարյանը, ՀՀ Վայոց ձորի մարզի դատախազության դատախազ Գայանե Խաչիկյանը:

<Կոռուպցիոն ռիսկերը տարածքային կառավարման և տեղական ինքնակառավարման ոլորտում Վայոց ձորի մարզում> զեկույցով հանդես եկավ դատախազ Գ. Խաչիկյանը:

Բնապահպանական միջոցառումների նկատմամբ պետական վերահսկողության և մարզում արձանագրված խախտումների ուղղությամբ ձեռնարկվող քայլերի մասին տեղեկատվություն ներկայացրեց ՀՀ բնապահպանության նախարարության աշխատակազմի բնապահպանական պետական տեսչության Վայոց ձորի տարածքային բաժնի պետ Վահիկ Գրիգորյանը:

Վայոց ձորի մարզի համայնքապետարաններում աշխատանքների հրապարակայնության և

թափանցիկության ապահովման հիմնախնդիրները ներկայացրեց Էմին Բեգլարյանը:

Ծավալվեց շահագրգիռ քննարկում: Եղան առաջարկություններ: